

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A

OPĆINSKOM SUDU U ZENICI
-Sudiji za prethodno saslušanje-

Z E N I C A

Na osnovu člana 45. stav 2. tačka h) i člana 241. stav 1. Zakona o krivičnom postupku FBiH, **podizem**

OPTUŽNICU

Protiv:

F.Ć. iz Sarajeva,

S.J. iz Zenice,

S.Š. iz Zenice,

B.Ć. iz Zenice,

F.P. iz Zenice,

B.H. iz Zenice,

A.M. iz Sarajeva,

Što su:

I-F.Ć. i S.J.,

U januaru 2007. godine u Zenici s ciljem da za F.Ć. pribave kredit u iznosu od 30.000,00 KM, zajedno i po prethodnom dogovoru, davaocu kredita ... d.d. Zenica dale neistinite podatke značajne za dobivanje kredita, na način da je S.J. potpisala zahtjev za kredit, u koji je F.Ć. unijela lažne podatke, da je S.J. zaposlena u Trgovinsko uslužnom društvu ... d.o.o. Zenica i da joj mjesečna plata iznosi 1056,00 KM, iako su obje znale da S.J. nikada nije radila u navedenom preduzeću, koje podatke na zahtjevu je ovjerala F.P. pečatom istog preduzeća i svojim potpisom, pa je F.Ć. ovakav zahtjev sa lažnim podacima predala banci, na osnovu kojeg je banka odobrila kredit i zaključila Ugovor o kreditu broj: ... sa S.J., nakon čega je S.J. primila kredit u iznosu od 30.000,00 KM i u cjelosti ovaj iznos predala F.Ć.,

II –F.Ć. I S.Š.,

U martu 2006. godine u Zenici s ciljem da za F.Ć. pribave kredit u iznosu od 15.000,00 KM, zajedno i po prethodnom dogovoru, davaocu kredita ... d.d. Zenica dale neistinite podatke značajne za dobivanje kredita, na način da je S.Š. potpisao zahtjev za kredit, u koji je F.Ć. unijela lažne podatke, da je S.Š. zaposlen u Trgovinsko uslužnom društvu ... d.o.o. Zenica i da mu mjesečna plata iznosi 760,00 KM, iako su oboje znali da S.Š. nikada nije radio u navedenom preduzeću, nakon čega je ove lažne podatke i administrativnu zabranu ovjerila F.P. svojim potpisom i pečatom tog preduzeća, pa je F.Ć. ovakav zahtjev predala banci na osnovu kojeg je banka odobrila kredit i sklopila ugovor o kreditu broj: ... sa S.Š. koji je primio kredit u iznosu od 15.000,00 KM i ovaj iznos predao F.Ć.,

III-F.Ć. I B.Ć.,

U novembru 2006. godine u Zenici s ciljem da za F.Ć. pribave kredit u iznosu od 30.000,00 KM, zajedno i po prethodnom dogovoru, davaocu kredita ... d.d. Zenica dali neistinite podatke značajne za dobivanje kredita, na način da je Ć. rođ. T. B. potpisala zahtjev za odobravanje kredita, u koji je F.Ć. unijela lažne podatke da je Ć.T. B. zaposlena u STR ... vlasništvo A.M., i da joj mjesečna plata iznosi 1030,00 KM, iako su obje znale da Ć.T.B. nikada nije radila u navedenoj radnji, pa je ove lažne podatke i administrativnu zabranu ovjerila A.M. svojim potpisom i pečatom svoje trgovinske radnje a B.Ć. ovakav zahtjev predala banci na osnovu kojeg je banka odobrila kredit i s njom potpisala Ugovor o kreditu broj: ... u iznosu od 30.000,00 KM koji iznos je predala F.Ć.,

IV-F.Ć.

U septembru 2006. godine u Zenici s ciljem da za sebe pribavi kredit u iznosu od 30.000,00 KM, zajedno i u dogovoru sa A.F., davaocu kredita ... d.d. Zenica dali neistinite podatke značajne za dobivanje kredita, na način da je A.F. potpisala zahtjev za odobravanje kredita u koji je F.Ć. unijela lažne podatke da je A.F. zaposlena u ... d.o.o. Zenica- i da joj mjesečna plata iznosi 1096,00 KM, iako su obje znale da A. nikada nije radila u navedenom preduzeću, pa je ove lažne podatke i administrativnu zabranu ovjerila B.H. u svojstvu odgovorne osobe navedenog preduzeća svojim potpisom i pečatom istog preduzeća, nakon čega F.Ć. ovakav zahtjev predala banci na osnovu kojeg je banka odobrila kredit a A.F. potpisala Ugovor o kreditu broj: ..., i primila kredit u iznosu od 30.000,00 KM koji je predala F.Ć.,

V-F.P.

U vremenu od marta 2006. godine do januara 2007. godine u Zenici, u cilju pribavljanja kredita u korist F.Ć. pomogla, F.Ć., S.J. i S.Š., da davaocu kredita ... d.d. Zenica daju neistinite podatke značajne za dobivanje kredita, na način da je u svojstvu odgovorne osobe u preduzeću ... d.o.o. Zenica potpisala se i stavila pečat navedenog preduzeća na obrazac zahtjeva za kredit S.J., zahtjev za odobrenje kredita S.Š. od i Rješenje o administrativnoj zabrani na platu S.Š., bez broja i datuma, pa su F.Ć., S.J. i S.Š., ovako popunjene i ovjerene zahtjeve zajedno sa drugom dokumentacijom predali banci koja im je odobrila kredita u traženom iznosu,

VI- B.H.,

U septembaru 2006. godine u Zenici, u cilju pribavljanja kredita u korist F.Ć. pomogla F.Ć. da davaocu kredita ... d.d. Zenica daju neistinite podatke značajne za dobivanje kredita, na način da je u svojstvu odgovorne osobe u preduzeću ... d.o.o. Zenica –, potpisala i stavila pečat navedenog preduzeća na obrascu zahtjeva za kredit A.F. od i Rješenju o administrativnoj zabrani na platu A.F., pa je F.Ć. ovako popunjene i ovjerene zahtjeve zajedno sa drugom dokumentacijom predali banci koja joj je odobrila kredita u traženom iznosu,

VII –A.M.,

U novembru 2006. godine u Zenici, u cilju pribavljanja kredita u korist F.Ć. pomogla F.Ć. i B.Ć. da davaocu kredita ... d.d. Zenica daju neistinite podatke značajne za dobivanje kredita, na način da je u svojstvu vlasnika samostalne Trgovinske radnje ... Zenica, potpisala i stavila pečat navedene radnje na obrascu zahtjeva za kredit B.Ć. od i Rješenju o administrativnoj zabrani na platu B.Ć., bez broja i datuma, pa su F.Ć. i B.Ć., ovako popunjene i ovjerene zahtjeve zajedno sa drugom dokumentacijom predali banci koja im je odobrila kredita u traženom iznosu,

čime su počinili:

- F.Ć., pod tačkama I-IV, produženo krivično djelo obmana pri dobivanju kredita ili drugih pogodnosti iz člana 268. stav 2. u vezi sa stavom 1. i u vezi sa članom 31. i 55. KZ F BiH,
- S.J., krivično djelo obmana pri dobivanju kredita ili drugih pogodnosti iz člana 268. stav 2. u vezi sa stavom 1. i u vezi sa članom 31. KZ F BiH,
- S.Š., krivično djelo obmana pri dobivanju kredita ili drugih pogodnosti iz člana 268. stav 2. u vezi sa stavom 1. i u vezi sa članom 31. KZ F BiH,
- B.Ć., krivično djelo obmana pri dobivanju kredita ili drugih pogodnosti iz člana 268. stav 2. u vezi sa stavom 1. i u vezi sa članom 31. KZ F BiH,
- F.P., pomaganje u izvršenju krivičnog djela obmana pri dobivanju kredita ili drugih pogodnosti iz člana 268. stav 2. u vezi sa stavom 1. i u vezi sa članom 31. i 33. KZ F BiH,
- B.H., pomaganje u izvršenju krivičnog djela obmana pri dobivanju kredita ili drugih pogodnosti iz člana 268. stav 2. u vezi sa stavom 1. i u vezi sa članom 33. KZ F BiH,
- A.M., pomaganje u izvršenju krivičnog djela obmana pri dobivanju kredita ili drugih pogodnosti iz člana 268. stav 2. u vezi sa stavom 1. i u vezi sa članom 33. KZ F BiH.